

「國家社會科學基金重大項目」

何建明 主編

中國地方志
佛道教文獻匯纂

人物卷

(29)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明

主編

中國地方志
佛道教文獻匯纂

人物卷

（29）



國家圖書館出版社

中國地方志佛道教文獻匯纂·人物卷
江蘇省 蘇州市

蘇州冢墓記

佚名纂修

據北京圖書館出版社一九九七年《漢唐
方志輯佚》排印

蘇州冢墓記

撰人不詳，不見著錄。按，隋改吳郡曰蘇州，唐因之；又因《太平御覽》徵引，故此記當爲唐人之作。

宋青州刺史郁泰玄，字義真。好黃老，故老相傳，泰性仁恕，德感禽善。初葬之日，有群燕數千，銜土於冢上。今冢猶高大。與他有異，村鄉歲時迄今祭祀。（《御覽》卷九二三燕）

中國地方志佛道教文獻匯纂·人物卷
江蘇省 蘇州市

中吳紀聞

宋·龔明之撰 清·繆荃孫校勘
清宣統元年（一九〇九）刻本

中吳紀聞卷第一

宋崑山龔明之熙仲著

梅聖俞與僧良玉詩

峴山慧聚寺良玉字蘊之僧行甚高旁通文史之學又
善書工琴棋因游京師梅聖俞見而喜之以姓名聞於
朝賜以紫衣其東歸也聖俞以詩送之曰來衣茶褐袍
歸變樵色服扁舟洞庭去落日淞江宿水煙晦琴徽山
月上巖屋野童遙相迎風葉鳴橡櫟後潛遁故山專以
講經爲務號所居曰雨花堂

智積菩薩

靈巖寺乃智積開山之地智積當東晉末自西土來荆
立伽藍泗州僧伽持鉢江南至常之無錫聞智積在蘇
卽回曰彼處已有人矣由此名遂顯有一貧嫗慕其行
嘗持角黍爲獻智積受之嫗因得度至今上巳日號智
積誕日聚數十百嫗爲角黍會

楊惠之塑天王像

慧聚寺有毘沙門天王像形模如生乃唐楊惠之所作
惠之初學畫見吳道子藝甚高遂更爲塑工亦能名天
下徐稚山侍郎以此像得塑中三昧嘗紀其事謂其傍

二侍女尤佳且戒後人不可妄加塗飾近爲一俗工修
治遂失初意

中吳紀聞卷第二

傳鐙錄

永安禪院僧道元纂佛祖訖近世名僧禪語爲傳鐙錄三十卷以獻祥符中詔翰林學士楊億知制誥李維太常丞王曙刊定刻板宣布

國一禪師

國一禪師乃崑山圓明村朱氏子捨俗爲僧受業於景德寺法名道欽因游歷叢林遇有一道者語之云乘流而行遇徑而止旣至雙徑遂借龍潭築菴其上卽開山之祖也事載塔銘云今薦嚴寺之西有以羅漢名橋者

中興雜記卷二
蓋指國一云

隨緣居士

黃策字子虛彥之子中進士乙科爲雍邱縣主簿元符末詔許中外言事時昭慈旣復位號典冊有未盡正者

因上書引古義力爭之崇甯初黨論起名入黨籍羈置
登州會赦還鄉里遂休官號隨緣居士欽廟嘗書隨緣
二字賜之藏宸翰於家著隨緣居士記書之於壁建炎
中追錄黨人除直祕閣

公無疾端坐而逝葬光福山自題其墓曰隨緣居士之塔云

石點頭

今虎邱千人坐旁有石點頭十道四蕃志云生公異僧
竺道生也講經於此無信之者乃聚石爲徒與談至理
石皆爲點頭

夢石天王像

後唐時慧聚寺有紹明律師僧中傑出者居半山彌勒閣一夕夢神人曰簷前古桐下有石天王像與銅鐘師宜知之詰旦掘其地果獲此二物今尙龕置壁閒形製極古故前輩有詩云一旦石像欲發現先垂景夢鳴高岡常熟破山恩高僧嘗學於紹明見本朝僧史

林酒仙

國初時長洲縣東禪寺有僧曰遇賢姓林氏以其飲酒無算且多靈異故鄉人謂之林酒仙口中可容兩拳嘗

醉於酒家每出羣聚而觀之者不絕能自圖其形無毫
釐不相似好賦詩雖多俗語中含理致然亦有清婉者
如云楊子江頭浪最深行人到此盡沈吟它時若向無
波處還似有波時用心門前綠樹無嘯鳥庭下蒼苔有
落花聊與東風論箇事十分春色屬誰家心閒增道氣
忍事敵災屯謹言終少禍節儉勝求人若此之類皆名
言也真身塑寺中

中吳紀聞卷第三

本禪師

宗本圓照禪師乃福昌一飯頭

福昌承天寺子院

懵無所知每

飯熟必禮數十拜然後持以供僧一日忽大悟恣口之所言皆經中語自此見道甚明後往靈巖近山之人遇夜則面其寢室拜之侍僧以告遂置大士像於前人有飯僧者必告之曰汝先養父母次辦官租如欲供僧以有餘及之徒眾在此豈無望檀那之施須先爲其大者其宅率以是勸人仁宗嘗召至京師賜金襴衣加圓照師號後復歸本山

舊傳宗本至京師有一貴戚欲試之因以猾倡薦寢
本登榻鼻息如雷其倡爲般若光所爍通夕不寐翌
旦炷香拜之曰不意今日得見古佛

白馬澗

南峰山北有聚落號白馬澗昔支遁騎白馬而來飲於
澗中因以名焉山之顛有石埒然號馬跡石又有一石
室號支遁菴乃其修習之地也

禪月大師

萬壽寺有禪月閣禪月者唐僧貫休也生於婺之蘭溪
自祝髮爲僧徧參名德又善作詩文有西嶽集行於世

性好圖畫古佛嘗自夢得十五羅漢梵相既而尙缺其一未能就夢中復有告之曰師之相乃是遂如所告因照水以足之今其畫尙傳旣至吳寓跡萬壽甚久後入蜀死葬於成都平生行業具載白蓮塔銘

中吳紀聞卷第四

慧感夫人

慧感夫人舊謂之聖姑或以爲大士化身靈異甚著祝
安上通守是邦事之尤謹每有水旱惟安上禱祈立驗
後以剡薦就除台守旣至錢唐詰旦欲渡江夢一白衣